

შიდა ქართლში დასუფთავების აქციები გაიმართა

29 აპრილი 2017

დედამიწის კვირეულის ფარგლებში დასუფთავების ფართო მასშტაბიანი აქციები მოეწყო ქალაქ გორში, კასპის, გორის, ქარელისა და ხაშურის მუნიციპალიტეტებში. აქციაში საჯარო მოხელეები, სტუდენტები, მოსწავლეები და კერძო სექტორის წარმომადგენლები ჩაერთვნენ. აქციას შეუერთდა შიდა ქართლის გუბერნატორის პირველი მოადგილე, იოსებ ოქრომელიძე, ადმინისტრაციის ხელმძღვანელი, ნათია ანთელავა და მუნიციპალიტეტების გამგებლები. დასუფთავდა ტურისტული ობიექტები, პარკები, მაგისტრალის მიმდებარე ტერიტორია და მდინარის სანაპირო ზოლი. ასევე, მოსწავლეებმა დაასუფთავეს სკოლის ეზოები. კამპანიის მიზანია ცხოვრების ჯანსაღი წესის დამკვიდრება, სუფთა და ჯანმრთელი საცხოვრებელი გარემოს შექმნა. მოსახლეობის გარემოსდაცვითი და სოციალური პასუხისმგებლობის გაზრდა.